



TOIMINTAPLAANI 2020

TULEVAISUEN NÄKÖ

STR-T pitää olla eustaja, tuki ja inspirasuunilähe kaikille jotka tunteva yhteyttä meänkielen ja alkuperäsen kielialueen kylttyyrin ja historian kans.

ARVOPOHJA

STR-T puolustaa kaikkitten ihmisten sammaa arvoa ja samoja oikeuksia. Met toimima meänkielen ylläpitämisen ja kehityksen puolesta, meän kylttyyrin hyväksi ja osalistuma kans ytheiskunnantepathiin kysymyksissä jotka koskeva meän minuriteettiä.

FÖRPYNTIN PÄÄMÄÄRÄ SÄÄNTÖJEN MUKHAAN

Svenska Tornedalingars Riksförbund, Tornionlaaksolaiset, STR-T, oon intressijärjestö kielen, kylttyyrin ja ytheiskunnan asioissa. Förpynti oon intressijärjestö kaikille jotka tunteva yhteyttä meänkielen ja alkuperäsen kielialueen kylttyyrin ja historian kans. Förpynti joka perustethiin 1981 oon uskonosta ja partii politiikasta vapa. Förpynti oon eustaja alkuperäselles kansaliselle, kieleliselle ja kylttyyriselle minuriteetile ja oon hallituksen remissi-instansi minuriteetikysymyksissä. Päämäärä oon hyöyttää ja vahvistaa minuriteetin itenttiteettiä ja kielen ja kylttyyrin kehitystä ja juurtumista.

FÖRPYNTIN KIELIPOLLISI JA KATTANTO ITENTTITEETISTÄ

2008 förpynti päätti seuraavan kielipollisin: *STR-Tn päämäärä oon tukea ja kehittää meänkieltä puhheessa ja kirjottamisessa. Meilä oon ymmärys paikalisille varieteetile joita käytethään ja kehittämmä kieltä kielenkäyttäjitten ja viranomhaisitten kans. Kielipollisin pohja oon ette kielioikeuet oon ihmisoikeuet ja ette förpynti toimii sisälyttävällä mallila.*

Tornionlaaksolaiset oon tunnustettu kansalinen minuriteetti ja meänkieli tunnustettu kansalinen minuriteetikieli. Kaikki jotka puhuva meänkieltä ei tunne ittensä olevan tornionlaaksolaisia, joku kuttuva ittensä lantalaiseksi eli kvääniksi. Meänkielelä oon kolme päävarieteettiä: tornionlaaksonvarieteetti, jellivaaranvarieteetti ja lannankieli.





FÖRPYNTIN PÄÄMÄÄRÄ 2020

1.1 PAREMPI OMA RAHOTUS

Jatkuva työ vaikutusvallan kans on STR-T:lä etusiala LoNM:in (Laki kansalisista minuriteetistä ja minuriteettikielistä; SFS 2009:724). STR-T on hallituksen remissi-instansi minuriteettikysymyksissä mikä vaatii tietosan ja hyvin toimivan kanslianjärjestön ja enämpi työväkeä. Tämä on ehto ette saattaa jatkuvasti ja toela tukea paikalisosastoja ja antaa tietoa, valvoa ja tukea kuntia ja viranomhaisia. Hallitus päättää vakituisesta tuesta kansalisitten minuriteetitten eustajille.

PÄÄMÄÄRÄ 2020:

- Toimia ette förpynti sais isoman ekonoomisen tuen.

1.2 ETTE TOTTUS- JA SOVINTOKOMISUUNI KOOSTUIS

Curt Perssonin esitutkimus "*Då var jag som en fånge - Statens övergrepp på tornedalingar och meänkielitalande under 1800- och 1900-talet*" luovutethiin hallitukselle 2018. Luovutuksen jälkhiin förpynti ja Met Nuoret on jatkanheet työtä totistajitten kertomuksen kokoamisen, informasuunin ja varmistamisen kans sillä aikaa ko ootethaan päätöstä tottuus- ja sovintokomisuunin käynistyksestä. Arkkipiispa Antje Jackelén ja Ruottin kirkko on 2018 julistanheet tuen tottuus- ja sovintokomisuunityöle 2018. Hallitus sai maaliskuussa 2019 esityksen komiteaohjeesta Förpyntiltä ja Met Nuoretilta, sen jälkhiin nämät on valmisteltu Hallituskansliassa. Helmikuussa 2020 hallitus julisti ette tottuus- ja sovintokomisuuni asetethaan tornionlaaksolaisile, kväänile ja lantalaisile.

PÄÄMÄÄRÄ 2020:

- Toimia osalisuutheen ja vaikuttamisheen tottuus- ja sovintokomisuunin työssä.

1.3 KIELISENTTERI MEÄNKIELELE

Kielen ja kansanperintheen instityytti, ISOF on esittäny tehtäväsä hallitukselle 1. helmikuuta 2019. Förpynti toteaa ette tutkimus on ottanu huomihoon förpyntin ehotuksen kielisentteristä joka fyysisesti sijotethaan kahtheen paikkaan, missä tullee olheen yhtheensä viis täysaikavirkkaa. Hallitus ei ole ottanu päätöstä kielisentteristä vuona 2019 ja siksi förpynti jatkossaki valvoo kysymystä ja toimii ette tulis kätevä päätös.

PÄÄMÄÄRÄ 2020:

-Ette hallitus ottaa päätöksen meänkielen kielisentteristä vuona 2020 ja ette kielisentteri perustethaan viimisthään 2021.





1.4 VAKITUINEN OLINPAIKKA KYLTYYRILLE

Poliittisen jäsenen tahosta kysymys kylttyyrlaitoksesta on herätetty 2017 valtuustossa Region Norrbottenissa. Tornionlaaksolaisilla, kväänillä ja lantalaisilla ei ole kylttyyrlaitosta jolla on kansallinen vastuu. Tässä kylttyyrlaitoksen perustamistyössä on peräti tähtelistä ette minuriteetti jota asia koskee saapi mahdollisuuden vaikuttaa, eustaa ja osallistua. Region Norrbottenin kehityslautakunta, Regionala utvecklingsnämnden, omistaa kysymyksen poliittisesti ja pitää tialookissa kysseessä olevan minuriteetin kans, viranomhaisen ja Statens kulturrådin kans tutkia mahdollisuuden ette tukea perustamisen kylttyyrinkokoavasta toiminasta tornionlaaksolaisille, kväänille ja lantalaisille. Kevänaikana 2020 Region Norrbotten tulee hakehamaan kehitysrahotusta esitutkimuksheen Statens kulturrådista.

PÄÄMÄÄRÄ 2020:

-Ette Region Norrbotten aloittaa esitutkimuksen joka eespäin tekkee työtä kylttyyrlaitoksen järjestämisestä, sisälöstä ja rahottamisesta kylttyyrinkokoavasta toiminasta tornionlaaksolaisille, kväänille ja lantalaisille.

1.5 KYLTYYRI JA HISTUURIA

Esitutkimus *Då var jag som en fånge* (Curt Persson, 2018) vahvistaa ette tarvithaan enämpi tietheelistä tutkimusta minuriteetin historiasta monesta eri näkökulmasta. Esimerkiksi meän historia ei ole selostettu meiltä itteiltä vain usseimiten majuriteettiyhteiskunnalta. SOU 2017:60 arvostellee ette kysymystä jos Ruottissa on useampia alkuperäskansoja ei ole tutkittu. Förpynti toteaa ette on täyellinen uupelo oppimateriaalista joka koskee kylttyyriä ja historiaa, puutheen jonka met jaama toisitten kansalisitten minuriteetitten kans.

PÄÄMÄÄRÄ 2020:

-Toimia ette lissäintys tietheelistä tutkimusta kylttyyristä ja historiasta.

-Toimia ette Ruottin valtio tutkii jos on olemassa useampia alkuperäskansoja Ruottissa.

1.6 KOULUTUS

STR-T saattaa kymmenen vuen kokemuksesta kansalisesta minuriteettilaista toeta ette olema siirtänheet meän aseman etheenpäin ja saahneet kantaa kysymyksille. Vielä löytyy kuitekki vailinkia joita saattaa työskennellä seuraavalla tavalla:

- Ette äitinkielenopetus laajenethaan Europparaatin suositteluitten mukhaan.
- Ette lapsilla esikoulussa ja esikoululuokassa on oikeus saa äitinkielen tukea.
- Ette Skolverket saapi pitkänaikhaisen kokohnaisen vastuun ette valmistaa oppimateriaalia minuriteettikieliele meänkieliele ja oppimateriaalia tornionlaaksolaisista, lantalaisista ja kväänistä. Oppimateriaalin valmistaminen häätty alkaa varsin ja sen häätty varmistaa pitemälle aikaa tialookissa eustajitten kans. Kysymys on otettu huomioon SOU 2017:60ltä.
- Ette voimakas ja selvä opettajankoulutus ja jatkokoulutus järjestethään Uumajan yniversiteetissä. Ette yhelä yniversiteetilä on vastuu voimakhaasta perus-koulutuksesta, hyvästä opettaja-koulutuksesta ja jatkuvasta jatko-opetuksesta on yhdessä opetusmateriaalin valmistamisen ja kielenhoijon kans auain siihen ette meänkieli tulevaisuussaki saattaa olla elävä kieli Ruottissa.





- Ette Ruottissa kartotethaan peruskoulun ja gymnaasian oppilaitosten tiot kansallisista minuriteetistä, opetusplaanitten ja kursiplaanitten vaatimusten mukhaan. STR-T huomauttaa kans tärkeyden ette oon jatkuva tarkastusmekanismi, ette turvata kläpitten ja nuoritten tion Ruottin kansallisista minuriteetistä.
- Ette kartottaa opettajakoululaisitten tietotason koko Ruottissa ja jos se näyttää, niinku STR-T epäilee, ette tieto esim. meänkieliläisestä minuriteetistä oon vajava, niin oppilaitokset häythään pakottaa perusthaan paikallisen tietotuksen kansallisista minuriteetistä, joka tasola ja joka suunala riippumatta missä paikkaa maata opetus oon. Kysymys oon otettu huomioon SOU 2017:60ltä.
- Ette muuttaa lainsäätämisen joka koskee koulutusta hallintoalueheessa ette peruskouluki sisältyy samhaanlahiin ko lapsenhuolto tänäpäivänä.
- Ette vasittu tulki- ja kääntämiskoulutus joka soppii meänkielele perustethaan ja ette se koulutus suoritethaan siinä yliopistossa jolla oon niin perus- ko opettajankoulutusvastuu.
- Ette resyrsiä annethaan ette Tornionlaakson Kansankorkeakoulu saattaa alkaa perusthaan kansallisen keskustan perusopetukselle meänkielessä raahvaile.

PÄÄMÄÄRÄ 2020:

-Ette valtio ottaa esile koulutusstrategiini meänkielele ja sen varieteetile.

2.VAHVISTAA JA KEHITTÄÄ PAIKALISEN TOIMINAN

Ette tornionlaaksolaiset, kväänit ja lantalaiset saava enämpi vaikutusvaltaa ytheiskunnallisissa kysymyksissä vaatii ette yksityiset ihmiset tietävä minuriteetilaista ja kunka se pättää. Paikallisosastoitten päämäärä oon vaikuttaa kysymyksissä jotka koskeva ytheiskunnan kehitystä ja minuriteetikysymyksiä paikallistasola. Tämä antaa mahdollisuuden förpyntile ette tehokkaamasti toimia kansallisella arenalla. Förpyntin johtokunta haluaa kans lähemmän kontaktin paikallisosastoitten kans.

PÄÄMÄÄRÄ 2020:

-Pittää vähhiinhään yhen informasuuniträffin kaikitten paikallisosastoitten kans.

-Tukea uusitten paikallisosastoitten järjestämistä.

-Toimia ette saa enämpi yhteenjärjestämistä paikallisosastoitten kesken neotteluissa viranomhaisitten ja järjestöitten kans.

3. VIEHÄTTÄÄ LISSÄÄ JÄSENIÄ

Viimi vuositten positiivinen kehitys itenttiteetikysymyksissä oon johtanu jäsenlissäintymisheen förpyntissä. Förpynti oon kans saanu voimakhaaman kannatuksen kysymykshiin. Uusherätys itenttiteetikysymykshiin oon syntyny ytheiskunnassa.

PÄÄMÄÄRÄ 2020:

-Lisätä jäsenlukumäärää 10 prosenttia.





4. HOITO JA HUOLENPITO

Niinku muila aloila, hoito- ja huolenpito-alala oon tullu kovempia lailisia vaatimuksia. Tämä vaatii uusia satsauksia hoito- ja huolenpitolaitoksissa ette saatethaan ottaa vasthaan yksityisiä niitten omala kielelä. Tähän hastheeseen yhtheiskunta pittää vastata kompetensinhuoltamisstratekiillä.

PÄÄMÄÄRÄ 2020:

-Neuottelua ja jatkuvaa tarkistusta viranomhaisitten kans joita asiat koskeva, niin ette lakia nouatethaan.

5. STRATEKISIÄ YHTHEISTOIMINTAKUMPPANIA

STR-T pittää etheenpäinki tehä yhtheistyötä järjestöitten kans prujektissa ja aktiviteettissä jotka koskeva itenttiteettiä, tasaarvoa, sukupolvenvaihtoa, kylttyyriä ja vaikutusvaltaa.

PÄÄMÄÄRÄ 2020:

-Kartottaa kunka yhtheistoimintaa saattaa pittää Tornionlaakson teatterin, Tornionalaakson Kansankorkeakoulun, Meän Akateemin, Tornionlaaksonjillen, Ruijan Kveeniliiton, Meänmaan, Kveenimaayhdistyksen, Tornedalsrådetin ja muitten järjestöitten ja kylttyyriyhmitten kans.

-Järjstää yhtheisiä aktiviteettiä muitten kansalisitten minuriteettiten ja järjestöitten kans.

6. VAIKUTUSVALTA KYLTYYRISSÄ, MEETIASSA JA KIELENHUOLOSSA

Kylttyyri, meetia ja kielenhuolto oon täheliset elävälle meänkielele.

Verrattunna suomenkiehleen ja saamenkiehleen meänkieli oon huomattavasti allieustettu public servicen lähätyksissä. Tämä johtuu siitä ette oon vain kouralinen ihmisiä jotka eustava meänkieltä public servicesessä. STR-T oon lykästynny siinä mielessä ette SR Meänraatio ei ennää järjestetä Sisuradion alle, mutta taas SVT Meänkieli oon alliosasto SVT Sapmiin. STR-T meinaa ette se vaatii erimuotosta järjestämistä ja lissää henkilökunnalisia resyrsiä ette saa enämpi ohjelmantarjontaa ja nostaa laatua.

STR-Tn kattanto oon ette journalistit tartteva tietoa kansalisista minuriteetistä ja se pitäs olla luonolinen osa journalistikoulutuksissa.

Kylttyyri oon usseen portti meänkiehleen. Se oon tärkeä ette löytyy kylttyyriyöntekiöitä jotka levittävä tietoa ja haastava stryktyyriä. STR-Tn rolli oon ette antaa maholisuuksia ette vahvistaa itenttiteettiä ja itteluottoa.

Tornionlaakson teatteri oon tärkeä aktööri ja pittää saa tarpheeliset resyrsit ette saattaa vaikuttaa monela arenalla ja kohata uutta pypliikkiä. Luulajan ja Stockholmin puolesta STR-T toteaa ette resyrsiä lisäthään ja enämpi vastuuta annethaan ko kunnista oon tullu hallintoalue meänkielele. Sen kautta niilä oon maholista saa enämpi kylttyyriohjelmaa. Toishaalta föpynti toteaa kans ett tornionlaaksolaisila, kväänilä





ja lantalaisilla ei ole kyltlyrilaitosta jolla on kansallinen vastuu kyltlyyristä, katto osa 1.4. Rahoitus kyltlyyrisatsaukshiin tulee yleisestä rahoituksesta ja sillä mallin minuriteetilä ei ole omavaltaa tehdä satsauksia jotka on etusiala. Tästä syystä förpynti on alottanu keskustelun Region Norrbottenin kans maholisuuksista varata vasittuja rahoja tornionlaaksolaisille, kväänile ja lantalaisille.

2018 palkathiin ensimmäinen kielenhuoltaja Kielen ja kansanperintheen instityythiin mikä on positiivistä. Sen lisäksi pitäis olla vielä kaks täysaikavirkkaa ja merkittevä lisärahoitus kielenhuolole ette tehdä ulospäin suunattua toimintaa niinku nauhotusta ja tokymenteeramista meänkielenalueela.

PÄÄMÄÄRÄ 2020 MEETIA:

- Varmistaa pitkänaikaisen lissäntymisen ohjelmantuotanolle public servicessä ja siitä seuraavan laajentamisen lähätysaika.

PÄÄMÄÄRÄ 2020 KYLTYYRI:

-Förpynti pitää järjestää ommaavaltaa kyltlyyrirohokuksessa tialookissa Region Norrbottenin kans.

PÄÄMÄÄRÄ 2020 KIELENHUOLTO:

-Förpynti pitää toimia ette saa lissää resyrsiä kielenhuolole meänkielessä.

7. ELINKEINOYHISTELMÄ – YLEISKATTANTO JA KEHITYS

Vuosisatojen aikana, mistä meilä on käsitystä, meän kyltlyyrikanantajilla on ollu iso kyky soppeintua ympäristön oleviin olosuhteisiin. Rajat mikkä luonto pannee meän kyltlyyri on kunnioittanu ja kehittäny elinkeinoyhistelmämallin¹sovinossa luonon kans. Vuosisatojen aikana elinkeinoyhistelmämalli on isoissa määrin tehny maholiseksi ihmisitten jokapäiväsen hushollauksen, olletikki ko isoyhteiskunta pani matkhaan valtavan teolisuuen muutoksen pohjosessa alueessa. Sovinossa luonon, maaseu'un, maanpruukin, mettästyksen ja kalastuksen kans ja sen säilytetyn perintheisen rajanvälisen toiminnan kans, kehityt net elinkeinoyhistelmämallit mikkä annoit ihmisille heän elanon. Samala meän kansa autto sitä yhteiskunnan kehitystä mikä lähti käynthiin ja puolusti sitä rauhattomuuen aikana.

PÄÄMÄÄRÄ 2020

Pitkäaikasen päämäärän rajoissa nostaksheen elinkeinoyhistelmitten merkityksen nykyaijassaki förpynti häätyy tämän vuen aikana:

-hakea yhteistoimintaa yhteiskuntalaitoksitten kans joita asia koskee alottaaksheen yhteistyötä kehityssuunitelmista kunka maanpruukinkehitystä meän perintheiseelä alueela saattaa eistä.

-toimia ette saa yleiskattanon olevista kylänyhteisistä meän kyltlyyrialueela.

¹ Elinkeinoyhistelmämalli = monta eri tappaa hankkia elantoa





-toimia ette saa parempaa tietoa perinteisistä elinkeinoyhdistelmistä mikkä oon olhee ja oon meän jeukraaffisela alueela.

-inventeerata mitä henkilöresyrsiä oon meän alueela jotka saattaisit olla myötä revitaliseerinkissä käsityöperinteistä mikkä koskeva työkampeita mikkä kuuluva perinteiseen toimithaan meän alueela.

-valvoa Natura 2000 kehitystä, mihinkä sisältyy Kaihnuun-, Tornion-, Täränön-, Lainion- ja Muonionväylän vesisuonet ja kans tunturinlikheiset osat meän perinteisestä alueesta. Oon tähelistä muistaa, ko puhhuu aluheen elämänehtoista, ette kysymys ei ole ainuasthaans muutamista ihmisistä joita asia koskee, ko tässä oon ussein kysheessä vähhiinthääns kaks kansanryhmää jotka vaikuttavva samala alueela.

-Förpynti pittää toimia ette Ruotti valvoo niin EU-tukea ruottin maanpruukhiin ko säännöitten muotostamista ette voima pienemällä tasola ja yhistemäelinkeinossa kans saattaa pysyä ja kehittyä etheenpäin.

STR-T:N PÄÄMÄÄRÄ 2020 METAVISI

Avisi oon kuukausittain julkassu artikkelin meänkieleksi ja ruottiksi. Statens Kulturrådin tuki periutisille aikakausikirjotuksile oon epävarma. Viimisinnä vuosina tuki oon vaihtelu 50 000 kr ja 100 000 kr välilä. Toiminta toteaa ette tuki pitkäle tähtäimelle oon hyvin epävarma.

PÄÄMÄÄRÄ 2020:

-Laajempi ja vahva pytjetti METavisille

-Vahvistaa ja kehittää METavisin laatua sisälössä ja neuotella paikalisosastoitten ja Met Nuoretin kans sisälöstä.

STR-T:N PÄÄMÄÄRÄ 2020 PRUJEKTIT

STR-T pittää tehdä yhtheistyötä järjestöitten, kunnitten ja viranomhaisitten kans prujektissä jotka sopiva yhtheen kysymyksitten kans jotka förpynti oon pannu etusiale ensimmäisen pistheen mukhaan.

PÄÄMÄÄRÄ 2020:

-Joka yksityinen prujekti pittää kantaa omat kostanuksensa.





YHTHEENVETO PÄÄMÄÄRÄ 2020

TOIMINTAALUE	PÄÄMÄÄRÄ 2020
FÖRPYNTINTOIMINTA	
	Toimia ette förpynti sais isoman ekonomisen tuen.
	Toimia osalisuutheen ja vaikuttamisheen tottuus- ja sovintokomisuunin työssä.
	Ette hallitus ottaa päätöksen meänkielen kielisentteristä vuona 2020 ja ette kielisentteri perustethaan viimisthään 2021.
	Ette Region Norrbotten alottaa esitutkimuksen joka eespäin tekkee työtä kylttyrilaitoksen järjestämisestä, sisälöstä ja rahottamisesta kylttyrinkokovasta toiminasta tornionlaaksolaisile, kväänile ja lantalaisile.
	Toimia ette lissäintys tietheelistä tutkimusta kylttyyristä ja histuuriasta.
	Toimia ette Ruottin valtio tutkii jos oon olemassa useampia alkuperäskansoja Ruottissa.
	Ette valtio ottaa esile koulutusstratekiin meänkielele ja sen varieteetile.
	Pittää vähhiinthään yhen informasuuniträffin kaikitten paikalisosastoitten kans.
	Tukea uusitten paikalisosastoitten järjestämistä.
	Toimia ette saa enämpi yhtheenjörjestämistä paikaliosastoitten kesken neuotteluissa viranomhaisitten ja jörjestöitten kans.
	Lisätä jäsenmäärää kymmenelä prosenttilä.
	Ette valtio ottaa esile koulutusstratekiin meänkielele ja sen varieteetile.
	Neuottelua ja jatkuvaa tarkistusta viranomhaisitten kans joita asiat koskeva, niin ette lakia nouatethaan.
.	Jörjestää yhtheisiä aktiviteettiä muitten kansalisitten minuriteettiten ja jörjestöitten kans.
	Varmistaa pitkänaikhaisen lissäintymisen ohjelmantuotanolle public servicessä ja siitä seuraavan laajentamisen lähätysaikkaa.
	Förpynti pittää jörjestää ommaavaltaa kylttyyriahotuksessa tialookissa Region Norrbottenin kans.





	Förpynti pittää toimia ette saa lissää resyrsiä kielenhuolole meänkielessä.
	Hakea yhteistoimintaa yhteiskuntalaitoksitten kans joita asia koskee alottaakseen yhteistyötä kehityssuunitelmista kunka maanprukkikehitystä meän perintheiseelä alueela saattaa eistää.
	Toimia ette saa yleiskattanon olevista kylänyhteisistä meän kylttyyrialueela.
	Toimia ette saa parempaa tietoa perintheisistä elinkeinoyhistelmistä mikkä oon olhee ja oon meän jeukraaffisela alueela.
	Inventeerata mitä henkilöresyrsiä oon meän alueela jokka saattaisit olla myötä revitaliseerinkissä käsityöperintheistä mikkä koskeva työkampeita mikkä kuuluva perintheiseen toimithaan meän alueela.
	Valvoa Natura 2000 kehitystä, mihinkä sisältyy Kaihnuun-, Tornion-, Täränön-, Lainion- ja Muonionväylän vesisuonet ja kans tunturinlikheiset osat meän perintheisestä alueesta. Oon tähelistä muistaa, ko puhuu aluheen elämänehtoista, ette kysymys ei ole ainuasthaans muutamista ihmisistä joita asia koskee, ko tässä oon ussein kysheessä vähhiinthääns kaks kansanryhmää jokka vaikuttavva samala alueela.
	Förpynti pittää toimia ette Ruotti valvoo niin EU-tukea ruottin maanpruukhiin ko säännöitten muotostamista ette voima pienemällä tasola ja yhistemäelinkeinossa kans saattaa pysyä ja kehittyä etheenpäin.
METAVISI	
	Laajempi ja vahva pytjetti METavisille.
	Vahvistaa ja kehittää METavisin laatua sisälössä ja neuotella paikalisosastoitten ja Met Nuoretin kans sisälöstä.
PRUJEKTIT	
	Joka yksityinen prujekti pittää kantaa omat kostanuksensa.

